

E vision ta pa crea un Eye Care Center pa duna miho servicio na e pacientnan na ImSan

Cera conoci specialista di wowo Dr. Zuleyma Lacle y optometrista senior David Croes

ORANJESTAD (AAN): Dr. Zuleyma Lacle tin casi dos aña trahando como oogarts na Instituto Medico San Nicolas (ImSan). El a studia medicina na Bogota, Colombia. Despues di a termina su estudio el a bin Aruba unda el a trahar dos aña na Spoed Eisende Hulp di ImSan. Despues el a bay Colombia un biaha mas pa specia durante 4 aña como docter di wowo.

Trahandu na ImSan el a constata cu tin hopi problema di wowo cu ni na Colombia el a mira. "Tin hopi problema na Aruba, hopi pashent y cada bes ta bira mas y mas trabao. E trabao ta hopi exigente i e ta hopi interesante".

Poco poco ImSan ta hayando mas ekipo moderno cu cual por yuda e pashentnan hopi bon. Dr. Lacle a duna di corfoce cu e ta lamenta cu tin pashentnan cu ainda mester bay afo pa haya tratamento, pero e cantidad aki ta birando menos..




Pa dia Dr. Lacle ta atende un promedio di 40 pashent, pero hunto cu su colega Dr. Mosquera y e optometrista nan ta atende mas cu 100 pashent pa dia. E team ta consisti di 2 dokter di wowo y optometrista nan. El a indica cu e optometrista ta esun cu ta midi e bista di e pashent, e presion y ta prepara e pashent pa worde atendi pa e dokter di wowo. E dokter nan di wowo ta mira si e pashent por tin algun otro patologia.

Na Aruba tin dos tipo patologia cu ta resalta. Esakinan ta glaucoma y problema di retina causa door di diabetes. E departamento aki ta traha conhuntamente cu nos Centro Diabetico pa asina atende cu e situacion aki specialmente ora ta trata casonan di pashentnan diabetico, el a subraya.

Hunto cu dr. Lacle ta traha senior. David Croes kende ta e optometrista. El a indica cu na Colombia el a studia 4 aña pa bira optometrista. Despues el e haci un stage na Hospital San Jose na Bogota. Na aña 1997 el a caba y el a bin traha na Aruba cerca dr. Wolter. Di eynan el a bay traha na un optica y aworaki e tambe ta den servicio di Instituto Medico San Nicolas, el a laga sa.

Senior Croes a señala cu ImSan ta hayando basta pashent y banda di esaki nan ta hayando tecnologia nobo. "E pashent ta sali hopi contento ya cu nos por yuda nan cu e tecnologia nobo cu nos tin pa e tratamiento di wowo".

Un di e ekiponan nobo cu nan a haya ta e Galilei G6, cual ta un



"corneal topography" y alavez un bio-meter. Cu e mashin aki por haci un mapa di e cornea pa mira si e pashent tin algun enfermedad manera astigmatismo, por midi cua lens cu e pashent mester den caso di catarata, etc.

Un di e problemanan mas grandi cu Aruba ta enfrenta ta glaucoma.

Glaucoma, ta consisti di tres caracteristico principal. Sakinan ta relaciona cu daño na e nervio optico, presion di wowo y perdida di bista.

Haciendo uso di e ekipo moderno e camera ta midi con e

cornea ta forma y di ki manera e ta afecta. Ora e ekipo traha un mapa di e cornea por yega na conclusionan rapido y eficaz y por cumisa tratamiento cu ta apropiado cu esaki.

Diariamente por atende entre 25 pa 30 pacient pa dia cu e ekipo nobo na ImSan.

Finalmente el a duna di conoce cu vision di ImSan ta pa crea un Eye Care Center pa atende mas pashent pa evita cu nan mester bay afo. E vision aki ta worde comparti door di tur e docternan di wowo na Aruba.